

澡水下飲食訖比丘還白佛言屬至呵鵬阿那
 那舍舍道說言佛坐中大相稱譽呵鵬阿那
 舍因問我言佛稱譽我時邊有白衣無我言
 無白衣正使有白衣有何等嫌疑呵鵬阿那
 舍言佛稱譽我實至誠不妄白衣不信佛語
 者便當墮泥犁中正使信者便復來承事我
 我不喜煩擾他人以是故問耳佛言善哉善
 哉我不常為汝曹說呵鵬阿那含有七事今
 復益一事為八事何等為八事一者不求不
 欲令人知二者信不欲令人知三者自羞不
 欲令人知四者自慙不欲令人知五者精進
 不欲令人知六者自觀不欲令人知七者得
 禪不欲令人知八者點慧不欲令人知所以
 不欲令人知者不欲煩擾於人故不欲令人
 知佛說經已諸比丘皆大歡喜起前為佛作禮

佛說呵鵬阿那舍經

竟五

五

佛說燈指因緣經

雙秦三藏法師鳩摩羅什譯

若種少善於勝福田人天受樂後得涅槃是
 以智者應當勤心修習善業言福田者即是
 佛也佛身光明如融金聚功德智慧以自莊
 嚴得圓足眼善能觀察眾生諸根世間黑闇
 為作燈明眾生愚癡為作親善眾善悉備名
 稱普聞牟尼世尊眾所歸依是故人天至心
 修福無不獲報

昔王舍城五山圍繞於五摩伽陀最處其中
 此王城內里巷相當庭園廣博臺觀嚴麗堂
 室綺妙高軒敞朗周匝欄楯有好林池甚可
 愛樂其水清淨温涼調適通渠迴流轉相交
 注林樹蕭森枝條葳鬱華實繁茂映蔽日月
 風吹華林出微妙香其香馥鬱芳馨四塞徧
 王舍城諸勝智人修梵行者咸以此地莊嚴
 殊特心生喜樂自遠而至雲集其中
 時此城主阿闍世王道化光被遐迩所歸正

法治國修善者衆國實民殷安隱快樂尔時城中有一長者其家巨富庫藏盈溢如毗沙門然無子胤禱祀神祇求乞有子其婦不久便覺有身滿足十月生一男兒是兒先出宿殖福因初生之日其手一指出大光明明照十里父母歡喜即集親族及諸相師施設大會爲兒立字因其指光字曰燈指諸集會者觀其異相歎未曾有時此會中有婆羅門名曰婆修誦四圍陀典博聞多知事無不曉見兒姿貌奇相非常含笑而言今此兒者或是那羅延天釋提桓因日之天子諸大德天來現生也時兒父母聞是語已倍增歡喜設大檀會七日七夜布施作福如是展轉舉國聞知皆云長者產一福子稱美之音上徹於王時王聞已即勅將來長者受教尋即抱兒詣王宮門值王醮會作衆伎樂無人通啓不得輒前其兒指光徹照宮庭赫然大明照于王身及以宮觀一切雜物斯皆金色其光徧照

竟五

六

於王宮內譬如大水湛然盈滿王即怪問此光何來忽照吾宮將非世尊欲化衆生至我門耶又非大德諸天釋提桓因日天子等下降來也王尋遣人往門外看使人見已還入白王向者大王所喚小兒今在門外此兒手在乳母肩上其指出光明來徹照故有此光王勅使言速將兒來王既見之深異此兒自捉兒手觀其兒相諦瞻覩已而作是言外道六師稱無因果真爲誑惑若無因果云何此兒從生已來容貌超絕指光炳著以此觀之諸外道輩陷諸衆生顛墜惡趣定知此兒非自在天之所化生亦非神祇自然而有必因宿福獲斯善報始知佛語誠諦不虛佛說種種業緣莊嚴世間一切衆生眼見報應而不修福一何怪哉王復言曰今猶未審此指光曜或因於日而有此明必欲驗者須待夜半既至日暮即以小兒置于象上在前而行王將群臣共入園中而此小兒指光所照幽闇

大明觀視園中鳥獸華果與晝無異王觀此已喟然歎曰佛之所說向期真妙我於今日於因於果生大堅信深鄙六師愚迷之甚是故於佛倍生宗仰於時耆域即白王言佛於修多羅中說若不見業故有慳貪以見業故慳貪永息今見燈指有此福報假令窮困尚

竟五

七

應罄竭而修善業況復富饒而不作福如是語頃天已平曉還將燈指入天王宮王甚歡喜大賜珍寶放令還家燈指漸漸遂便長大其父長者為求婚所選擇高門與已等者甥以為婦長者既富禮教先備閨門雍族資產轉盛夫盛有衰合會有離長者夫妻俱時喪亡譬如日到沒處暉光潛翳如日既出月光不現如火為灰熾炎永滅強健好色為病所壞少壯之年為老所侵所愛之命為死所奪父母既終生計漸損而此燈指少長富逸不閑家業惡伴交遊恣心放意耽惑酒色用錢無度倉庫儲積無人料理如月盈則闕轉就

損減時彼國法歲一大會集般周山于時燈指服飾奢靡將從伎樂皆悉嚴麗擬於王者詣彼會所彼會大眾見其如是無不敬美尔時眾人共相飲酣歡娛適意鍾鼓並陳絃歌普作歡舞平場欣戲原野娛樂之音動山蓋谷時後群賊知燈指會未還之間伺其空便往到其家劫掠錢財一切盡取燈指暮歸見已舍內為賊劫掠唯有木石磚瓦等在見此事已悶絕躄地傍人水灑方得醒寤憂愁啼哭而作是念我父昔來廣作方宜修治家業劬勞積聚倉庫財寶是父所為生有我身親有委付如何至我不紹父業浮遊竄墮為人欺凌父之餘財一旦喪失倉庫空虛畜產進散顧瞻舍宅唯我子然著身纓絡及以服乘當用賀食以濟支急用之既盡當如之何當于尔時指光亦滅其妻厭賤捨棄而走僮僕迷失親里斷絕素與情昵極親厚者反如怨讎見其貧窮恐從乞索逆生瞋怨婦尚捨棄

況於餘人當知貧窮比於地獄貧窮苟生與死無別先懷富樂卒罹窮困失所依憑栖寄無處憂心火熾愁毒熾然華色既衰悴容轉彰身體尪羸饑寒消削眼目賊陷諸節骨立薄皮纏裹筋脉露現頭髮擊亂手足銳細其色艾白舉體皴裂又無衣裳至糞穢中拾掇

竟五

八

鹿弊連綴相著裁遮人根赤露四體倚則糞埕復無席薦諸親舊等見而不識歷巷乞食猶如餓鳥至知友邊欲從乞食守門之人遮而不聽伺便輒入復為排辱舍主既出欲加鞭打俯偻曲躬再拜謝罪舍主輕憐都不迴顧設得入舍輕賤之故既不與語又不敷座與少飲食擦擲盂器不使充飽時彼國內取婦生子剃髮法皆設食往到會中望乞殘食以輕賤故不喚令坐驅其走使益索所須得少餘殘與奴共器便自思惟怪哉怪我今云何貧賤伶俜忽至如此私自念言如我今日精神昏迷心智失識不知今者為是本形

更受身耶辛苦荼毒世所無偶譬如林樹無華衆蜂遠離被霜之草葉自焦捲枯涸之池鴻鴈不遊被燒之林麋鹿不趣田苗刈盡無人捃拾今日貧困說往富樂但謂虛談誰肯信之世人甚衆無知我者由我貧窮所向無路譬如曠野為火所焚人不喜樂如枯樹無

蔭無依投者如苗被霜雹捐棄不收如毒蛇室人皆遠離如雜毒食無有嘗者如空塚間無人趣向如惡廁圍臭穢盈集如魁膾者人所惡賤如常偷賊人所猜疑我亦如是所向之處動作譏嫌所可談說發言生過雖說好語他以為非若造善業他以為鄙所為機捷

竟五

九

復嫌輕躁若復舒緩又言重直設復讚歎人謂諂譽若不加譽復生誹謗言此貧人常無好語若復教授復言詐偽者舊強有所知若廣言語人謂多舌若默無言人謂藏情若正直說復云鹿擴若求人意復言諂曲若數親附復言幻惑若不親附復言驕倨若順他所

說復言詐取他意若不隨順復言自尊若屈
 意承望罵言寒賤若不屈意言是貧人猶故
 自我若小自寬放言其愚癡無有拘忌若自
 攝斂言其空虛詐自端確若復歡逸言其侮
 張狀似狂人若復憂慘言其含毒初無歡心
 若聞他語有所不盡為其判釋言其命趣以
 愚伐智耐羞之甚若復默然復言頑囁不識
 道理若小戲論言不信罪福若有所索言其
 苟得不知廉耻若不所索言今雖不求後望
 大得若言引經書復云詐作聰明若言語樸
 素復嫌踈鈍若公論事實復言強說若私屏
 正語復言譏佞若著新衣復言假借嚴飾若
 著弊衣復言儂劣寒悴若多飲食言饑餓饜
 餐若少飲食言腹中實飢詐作清廉若說經
 論言顯已所知彰我闇短若不說經論言愚
 癡無識可使放牛若自道昔日事業言誇諱
 自譽若自杜默言門資淺薄諸貧窮者行來
 進止言說俯仰盡是慙過富貴之人作諸非

法都無過患舉措云為斯皆得所貧窮之人
 如起屍鬼一切怖畏如遇死病難可療治曠
 野險處絕無水草如墮大海沒溺洪流如人
 捺咽不得出氣如眼上翳不知所至如厚垢
 穢難可洗去亦如怨家雖同衣食不捨惡心
 如夏暴井入中斷氣如入深泥滯不可出如
 山暴水駛流吹漂樹木摧折貧亦如是多諸
 艱難貧窮又能毀壞壯年好色氣力名聞種
 族門戶智慧持戒布施慚愧仁義信行勇武
 意志悉能壞之又復能生饑寒怨憎輕躁福
 陞憂愁慘毒嫌責罪負如是眾苦從貧窮生
 譬如伏藏多有雜物貧伏藏中多有種種身
 心苦惱夫富貴者有好威德姿貌縱容意度
 寬廣禮義競興能生智勇增長家業眷屬和
 讓善名遠聞燈指思惟我今貧厄世間少比
 正欲捨身不能自殞當作何方以自存濟復
 作是念世人所鄙不過擔屍此事雖惡交無
 後世受苦之業若當餘作或值殺生作諸不

章五

十

善以此而言我請爲之今時有人聞其此語
即雇擔屍燈指取直尋從其言擔負死人到
於冢間意欲擲棄于時死人急抱燈指譬如
小兒抱其父母急捉不放盡力挽却不能得
去死人著脊猶如胡膠不可得脫排推不離
甚大怖畏作是念言我於今日擔此死屍欲
何處活即詣旃陀羅村語言誰能却我背上
死屍當重相雇諸旃陀羅詳共盡力共挽却
之亦不肯去餘見之者罵燈指言狂人何爲
擔負死屍入人村落競以杖石而打擲之身
體傷破痛懼並至有人憐愍將其詣城遂到
城門既到門下守門之人逆遮打之不得近
門此何癡人擔負死屍欲來入城自見己身
被諸杖木身體皆破甚懷懊惱發聲大哭而
作是言我正爲食作此鄙事今日忽然遭此
大苦由我貧困不擇作處爲斯賤業冀得價
直以自存活如何一旦復值苦毒寧作餘死
不負屍生且哭且言時守門者深生憐愍放

竟五

土

令還家到自空室先同乞索諸貧人等共住
之者遙見死屍在其背上悉皆捨去既到舍
已尸自墮地燈指于時踰增惶怖悶絕躡地
久乃得蘇尋見死屍手指純是黃金雖復怖
畏見是好金即前視之以刀試割實是真金
既得金已心生歡喜復剪頭項手足如是剪
已尋復還生須臾之頃金頭手足其積過人
譬如王者失國還得本位如盲得眼視瞻明
了如久思他女得與交歡如學禪者忽得道
證燈指歡喜亦復如是庫藏珍寶倍勝於前
威德名譽有過先日親里朋友妻子及僮僕
一切還來燈指歎曰嗚呼怪哉富有大力能
使世人來歸極疾嗚呼怪哉貧有大力能使
所親捨我極速我先貧時素所親昵交遊道
絕聊無一人與我語者今日一切顯顯承事
合掌恭敬假使生處如帝釋勇力如羅摩知
見如天師若無錢財都無所直富者不問愚
智皆稱好人實無所知人以爲智亦得勇健

諸善名聞雖復醜陋老弊少壯婦女樂至其邊阿闍世王聞其還富尋即遣人來取其寶其所取者盡是死人還擲屋中見是真金燈指知王欲得此寶即以金頭手足以用上王王既得已賚之還宮於後燈指作是思惟而說偈言

五欲極輕動 如電毒蛇舌 榮樂不久停 即生厭患心

尋以珍寶施與眾人於佛法中出家求道精勤修習得阿羅漢雖獲道果而此屍寶常隨逐之

比丘問佛燈指比丘以何因緣從生以來有是指光以何因緣受此貧困復何因緣有此屍寶常隨逐之

佛告比丘至心諦聽吾當為汝說其宿緣燈指比丘乃往古世生波羅柰國大長者家為小兒時乘車在外遊戲晚來門戶已閉大喚開門無人來應良久母來與兒開門嗔罵母

竟五

十二

言舉家擔死人去耶賊來劫耶何以無人與我開門以是業緣死墮地獄地獄餘報還生人中受斯貧困光指因緣屍寶因緣為汝更說過去九十一劫有佛名毗婆尸彼佛入涅槃後佛法住世燈指亦時為大長者其家大富往至塔寺恭敬禮拜見有泥像一指破落尋治此指以金薄補之修治已訖尋發願言我以香華伎樂供養治像功德因緣持此功德願生天上人間常得尊豪富貴假令漏失尋還得之使我於佛法中出家得道以治佛指故得是指光及死屍寶聚以惡口故從地獄出得貧窮果報佛說是燈指因緣時諸天人民散眾天華作天妓樂供養已訖便還天官以是因緣少種福業於形像所得是福報乃至涅槃形像尚亦況復如來法身者乎能於佛法如說修行如此功德不可限量若欲生天人中受諸快樂應當至心聽法以惡口因緣受大苦報應畏眾苦遠離惡口諸不善

業以此觀之一切世人富貴榮華不足貪著
於諸人天尊貴不應喜樂當知貧窮是大苦
聚欲斷貧窮不應慳貪是以經中言貧窮者
甚為大苦

十三

燈指因緣經

竟五

敞昌兩楮時尹森所今蔞鬱上孔反秘結步
必反又反咀反溢亦胤余鎮桓反官醜於見赫詩
必反又反咀反溢亦胤余鎮桓反官醜於見赫詩
必反又反咀反溢亦胤余鎮桓反官醜於見赫詩
必反又反咀反溢亦胤余鎮桓反官醜於見赫詩
必反又反咀反溢亦胤余鎮桓反官醜於見赫詩
必反又反咀反溢亦胤余鎮桓反官醜於見赫詩
必反又反咀反溢亦胤余鎮桓反官醜於見赫詩
必反又反咀反溢亦胤余鎮桓反官醜於見赫詩
必反又反咀反溢亦胤余鎮桓反官醜於見赫詩
必反又反咀反溢亦胤余鎮桓反官醜於見赫詩

莫候昵反尼目甬下音羸上烏光反賊陷上
莫候昵反尼目甬下音羸上烏光反賊陷上
莫候昵反尼目甬下音羸上烏光反賊陷上
莫候昵反尼目甬下音羸上烏光反賊陷上
莫候昵反尼目甬下音羸上烏光反賊陷上
莫候昵反尼目甬下音羸上烏光反賊陷上
莫候昵反尼目甬下音羸上烏光反賊陷上
莫候昵反尼目甬下音羸上烏光反賊陷上
莫候昵反尼目甬下音羸上烏光反賊陷上
莫候昵反尼目甬下音羸上烏光反賊陷上

俱反猛拒音確反口角俯依上竹由反豎音樸
俱反猛拒音確反口角俯依上竹由反豎音樸
俱反猛拒音確反口角俯依上竹由反豎音樸
俱反猛拒音確反口角俯依上竹由反豎音樸
俱反猛拒音確反口角俯依上竹由反豎音樸
俱反猛拒音確反口角俯依上竹由反豎音樸
俱反猛拒音確反口角俯依上竹由反豎音樸
俱反猛拒音確反口角俯依上竹由反豎音樸
俱反猛拒音確反口角俯依上竹由反豎音樸
俱反猛拒音確反口角俯依上竹由反豎音樸

磧砂大藏經

佛說燈指因緣經

卅 第六三册